



DEPUTACIÓN PROVINCIAL
A CORUÑA



Concello de
Betanzos

SERVICIO DE PATRIMONIO E CONTRATACIÓN

Núm. 149/2017

CONVENIO DE COLABORACIÓN ENTRE A DEPUTACIÓN PROVINCIAL DA CORUÑA E O CONCELLO DE BETANZOS PARA FINANCIAR O SUBMINISTRO DE *INSTALACIÓN AUDIOVISUAIS NO CINE ALFONSETTI*.

En Betanzos, a 18 de decembro de 2017

REUNIDOS

Dona Goretti Sanmartín Rei, Deputada de Cultura e Normalización Lingüística, en virtude da resolución da Presidencia num. 29081, do 23 de decembro de 2015, pola que se lle delega competencia para asinar convenios da súa área.

Don José Ramón García Vázquez, Alcalde Presidente do Concello de Betanzos.

Os comparecentes interveñen en uso das facultades que, por razón dos seus cargos, estalles atribuídas

MANIFESTAN

- 1.- Que os art. 109.1.d) e 118.d) da Lei 5/1997, de administración local de Galicia, atribúe ás deputacións competencias no fomento e administración dos intereses peculiares da provincia en materia de cultura; asemade, a Lei 8/1995, do patrimonio cultural de Galicia, establece a colaboración das administracións públicas na protección e defensa dos bens que integran o patrimonio cultural de Galicia.
- 2.- Que o Concello de Betanzos alberga entre o seu extenso patrimonio arquitectónico e cultural a sala de cine máis antiga de España, e con moita probabilidade de Europa, o cine Alfonso Setti. Contiguo ao antigo convento de San Domingos, completa un centro cultural de envergadura: biblioteca, museo, arquivo municipal e sala de cine. O cine Alfonso Setti, obra do insigne arquitecto coruñés, Rafael González Villar, foi construído entre o anos 1916 e 1923, fusiona o aire modernista vienés con elementos da arquitectura cosmopolita francesa.
- 3.- Que hai uns anos o Concello de Betanzos fíxose coa propiedade da sala, reformouna, coa axuda económica da Deputación Provincial, mais conservando os elementos que a caracterizaron e que transportan ao espectador a rememorar a experiencia cinematográfica dos vellos tempos.
- 4.- Que, desde a recuperación da sala de cine, o Concello ven realizando actividades: proxeccións, celebración da Semana Internacional do Cine, películas infantís etc, mais a sala ten carencias que dificultan o seu desenvolvemento como a falta de equipos de vídeo e de audio permanentes. que faciliten esta actividade.
- 5.- Que, tendo en conta as circunstancias expostas, no Expediente de Modificación de Crédito n.º 2/2017, aprobado polo Pleno da Corporación o 28 de abril de 2017, foi incluída unha aportación en concepto de subvención nominativa ao Concello de Betanzos por un importe de 31.737,48 € destinado ao financiamento das ditas obras.

Dado o interese coincidente da Deputación e do Concello de Betanzos ambas as dúas partes acordan formalizar o presente convenio de colaboración conforme ás seguintes

CLÁUSULAS

I.- Obxecto.

- 1.- O presente convenio ten por obxecto establecer as bases de colaboración entre a Deputación da Coruña e o Concello de betanzos, cn CIF P-1500900D, para financiar o subministro de *Instalacións audiovisuais no Cine Alfonso Setti*, tal como aparecen definidas na memoria descriptiva, prego de condicións técnicas e orzamento redactados por Gustavo Cartemil Fernández, enxeñeiro técnico industrial colexiado n.º 2648 e Pedro Núñez Regueiro, enxeñeiro técnico industrial colexiado n.º 2804.
 - 2.- O Concello de Betanzos, na súa condición de promotora da adquisición, achega ao expediente un exemplar da memoria descriptiva, prego de condicións técnicas e orzamento, así como certificación do Decreto da súa aprobación.
- A dita documentación foi supervisada polos Servizos Técnicos da Deputación e conta con informe favorable.
- 3.- O subministro está perfectamente definida, tal e como esixe no Texto refundido da Lei de contratos do sector público e normativa de desenvolvemento.
- Xa que logo, unha vez rematada e dentro do período de vixencia do convenio, o Concello de Betanzos , comprométese a destinala a uso público para o que está prevista.

II.- Orzamento.

O orzamento total da adquisición, desagregase co seguinte detalle:

Proxector de vídeo	13.192,00 €
Óptica zoom	2.396,00 €
Pantalla eléctrica de proxección	6.200,00 €
Reproductor de audio – vídeo	372,00 €
10 Altavoces 8" e 200 w de potencia	4.958,60 €

5.- Se o atraso se produce no pago ao adxudicatario ou terceiros que realizaron o obxecto do convenio, liquidarase o xuro legal do diñeiro polo período que medie entre o prazo indicado na cláusula VI.3 e a data do pago efectivo ao terceiro.

XII.- Incorporación ao rexistro público de subvencións e publicación da subvención concedida.

- 1.- No cumprimento do disposto no artigo 20.1 da Lei 38/2003, xeral de subvencións, e demais normativa de desenvolvemento, os datos da subvención concedida e a identificación do Concello de Betanzos serán remitidos á Intervención Xeral do Estado, para que sexan incorporados á Base de Datos Nacional de Subvencións, coa exclusiva finalidade prevista no dito precepto.
- 2.- Asemade, no cumprimento do disposto no artigo 16.3 da Lei 9/2007, do 13 de xuño, de subvencións de Galicia, a Deputación remitiralle a mesma información á Consellería de Economía e Facenda, co fin de que a incorpore ao Rexistro público de axudas, subvencións e convenios da Comunidade Autónoma de Galicia.
- 3.- Segundo o disposto no artigo 18 da Lei 38/2003, do 17 de novembro, xeral de subvencións, a concesión da subvención ao Concello de Betanzos será publicada no Boletín Oficial da Provincia da Coruña e na páxina web [dicoruna.es](http://www.dicoruna.es)
- 4.- Un exemplar deste convenio, debidamente asinado, será incorporado ao Rexistro de convenios que depende do Servizo de Patrimonio e Contratación da Deputación.

XIII.- Vixencia do convenio, prórroga ou modificación.

- 1.- O prazo de vixencia do presente convenio finalizará o **31 de maio de 2018** e terá efectos retroactivos, polo que as obras contempladas nel poderán terse realizado dende o 1 de xaneiro de 2017.
- 2.- Previa solicitude do Concello de Betanzos, realizada alomenos dous meses antes da data do fin do prazo de vixencia, o convenio poderá ser prorrogado por acordo expreso de ambas as dúas partes, previos os informes preceptivos da Unidade xestora, do Servizo de Patrimonio e Contratación, da Secretaría e da Intervención da Deputación.
- 3.- Tamén por acordo expreso de ambas as dúas partes e por causa debidamente xustificada, e previos os mesmos informes indicados no apartado anterior, o convenio poderá ser obxecto de modificación.

XIV.- Natureza, interpretación e xurisdición competente.

- 1.- O presente convenio ten natureza administrativa e para resolver as dúbidas que xurdan na interpretación das súas cláusulas aplicaranse as disposicións contidas na Lei 38/2003, do 18 de novembro, xeral de subvencións, e na Lei 9/2007, do 13 de xuño, de subvencións de Galicia; supletoriamente aplicarase a lexislación de contratos do sector público.
- 2.- A interpretación das dúbidas e lagoas que poidan xurdir na aplicación do presente convenio corresponderalle ao Presidente da Deputación, previos os informes preceptivos da Unidade xestora, da Secretaría e da Intervención provincial.
- 3.- Corresponderalle aos órganos da xurisdición contencioso-administrativa, segundo a distribución de competencias disposta na Lei 29/1998, do 13 de xullo, reguladora da dita xurisdición, o coñecemento das cuestións litixiosas que poidan xurdir como consecuencia do presente convenio.

Faise constar que o presente convenio foi aprobado por Acordo Plenario do 24 de novembro de 2017

E en proba de conformidade asinan por cuadruplicado exemplar o presente convenio no lugar e data indicados no encabezamento

O Presidente P.D

A DEPUTADA DE CULTURA E NORMALIZACIÓN LINGÜÍSTICA

Dña Goretti Sanmartín Rei

O ALCALDE PRESIDENTE DO CONCELLO DE BETANZOS.

Don José Ramón García Vázquez

Altavoz subgrave	830,00 €
Altavoz central	370,50 €
Preamplificador	860,00 €
3 Etapas de potencia	1.561,95 €
Rack de 19"	427,60 €

Man de obra de instalación 1.618,00 €

Total execución material 32.786,65 €
IVE 21 % 6.885,20 €

Total execución por contrata 39.671,85 €

III.- Financiamento provincial e outros ingresos que se obteñan ou acheguen para a mesma finalidade.

1.- A Deputación da Coruña financiará o orzamento da adquisición, tal como se define na cláusula anterior, cunha achega máxima de **31.737,48 €**, o que representa unha porcentaxe de 80 %.

A contía restante, ata acadar o importe total do orzamento de contrata, está financiado con cargo a recursos (proprios ou alleos) acreditando o Concello de Betanzos que ten consignado o crédito adecuado e suficiente para imputar a totalidade do gasto imputable ao concello.

2.- No caso de que o gasto xustificable non acadase o importe total previsto na cláusula segunda, a Deputación só achegará o importe que represente o 80%, da cantidade efectivamente xustificable.

Agora ben, se a cantidade xustificable resulta inferior ao 75 % do orzamento previsto na cláusula segunda, entenderase que a finalidade básica da subvención non foi cumprida e perderase o dereito ao seu cobro.

3.- A Deputación provincial financiará exclusivamente os gastos derivados da subministración e instalación dos bens.

4.- O importe do financiamento provincial farase efectivo con cargo á aplicación orzamentaria 0612/3343/76201, na que a Intervención provincial ten certificado que existe crédito dabondo sobre a que se ten contabilizado a correspondente retención de crédito.

5.- A subvención da Deputación é compatible coa percepción doutras subvencións ou axudas, públicas ou privadas, que o Concello de Betanzos obteña para a mesma finalidade, sempre que o seu importe, xunto co da subvención provincial, non supere en ningún caso o importe total do gasto efectivamente xustificable.

6.- No caso de que a concorrencia de axudas ou subvencións supere o importe do gasto efectivamente xustificable, minorarase a achega provincial no importe necesario para darlle estrito cumprimento ao apartado anterior.

IV.- Contratación e execución .

1.- Na condición de adquirente, corresponderalle ao Concello de Betanzos o outorgamento do contrato de subministracións descritas no proxecto ao que fai referencia as cláusulas primeira e segunda.

2.- No procedemento de contratación, o Concello de Betanzos axustará toda a súa actuación ao disposto na lexislación de contratos do sector público.

V.- Publicidade do financiamento provincial.

1.- No contrato e nos anuncios de licitación para a adquisición dos bens, farase constar o importe do financiamento provincial.

VI.- A xustificación necesaria para recibir a achega provincial.

1.- Coa posibilidade prevista na base 57ª das de execución do orzamento para o ano 2017, ata o 40 % da achega da Deputación ten carácter prepagable, de xeito que se procederá a expedir un primeiro pagamento a prol do Concello de Betanzos pola contía resultante de aplicar a dita porcentaxe sobre o importe de adjudicación do contrato de subministracións, unha vez que se achegue ao expediente a seguinte documentación:

- Certificación do acordo de adjudicación do contrato de subministracións, na que figuren polo menos os seguintes datos: empresa adjudicataria, importe do contrato e prazo de execución.
- Acreditación do cumprimento das obrigas tributarias e coa Seguridade Social, segundo o disposto na cláusula oitava.
- Declaración doutras axudas ou subvencións solicitadas ou concedidas para a mesma finalidade.

2.- Formalizado en documento público o contrato, procederase ao aboamento do 60 % restante, unha vez que se presente ou conste na Deputación a seguinte documentación (en orixinal ou copia compulsada):

- Certificación acreditativa do pago dos bens.
- Acreditación do cumprimento das obrigas tributarias e coa Seguridade Social, segundo o disposto na cláusula oitava.
- Declaración doutras axudas ou subvencións solicitadas ou concedidas para a mesma finalidade.
- Certificación do acordo da incorporación do ben ao inventario de bens do Concello de Betanzos, facendo constar nos correspondentes asentos que o ben queda afectado á finalidade pública para a que foi concedida a subvención polo menos durante un prazo de cinco anos.
- Deberá acreditar o pago efectivo aos terceiros do importe aboado co primeiro pago prepagable

3.- O aboamento da contía restante da subvención materializarase mediante ingreso na conta da entidade financeira indicada polo Concello de Betanzos na documentación achegada. E se tiveran transcorrido máis de catro meses desde a adecuada e correcta xustificación dos compromisos adquiridos sen que tivera cobrado o importe que lle corresponda, o Concello de Betanzos terá dereito ao aboamento dos xuros de mora, ao tipo de xuro legal, que se devenguen desde a finalización do prazo de catro meses ata o momento no que se faga efectivo o pagamento.

4.- Deberá acreditar terlles aboado aos terceiros o importe xustificable do 60% no prazo máximo dun mes dende a recepción dos fondos que constitúen o segundo pago.

VII.- Termo para o remate das obras e prazo de xustificación.

1.- A adquisición dos bens que son obxecto de financiamento provincial, tal como están descritas na cláusula primeira, deberán estar rematadas o 31 de decembro de 2017, como máximo.

2.- Unha vez rematadas as adquisicións, o Concello de Betanzos deberá presentar a xustificación documental á que se refire a cláusula sexta antes do **31 de maio de 2018**.

3.- De conformidade co disposto no artigo 70.3 do Regulamento da Lei de subvencións (Real decreto 887/2006, do 21 de xullo), transcorrido este derradeiro prazo sen que se teña recibido xustificación ningunha, a Unidade xestora remitiralle un requerimento ao Concello de Betanzos para que a presente no prazo improrrogable de **quinze días**.

A falla de xustificación da subvención neste prazo excepcional conlevará a perda da subvención e demais responsabilidades previstas neste convenio e na lexislación aplicable ao respecto. Aínda así, a presentación da xustificación neste prazo adicional non eximirá ao Concello de Betanzos da sanción que, de conformidade co disposto na Lei de subvencións e na Base 56ª 6ª das de Execución do Orzamento da Deputación, lle poida corresponder.

4.- O abono da subvención materializarase mediante ingreso na conta da entidade financeira indicada polo Concello de Betanzos na documentación aportada.

Se tiveran transcorrido máis de catro meses dende a axeitada e correcta xustificación dos compromisos adquiridos sen que tivera cobrado o importe que lle corresponda, o Concello de Betanzos terá dereito ao abono dos xuros de demora, ao tipo de interés legal, que se devenguen dende a finalización do prazo de catro meses ata o momento no que se faga efectivo o pagamento.

VIII.- Cumprimento das obrigas tributarias e coa seguridade social e a súa acreditación.

1.- O Concello de Betanzos deberá estar ao día, con carácter previo á sinatura deste convenio, e logo, con carácter previo ao pago da subvención, no cumprimento das obrigas tributarias coa Administración do Estado, coa comunidade autónoma, coa Deputación Provincial da Coruña, e coa Seguridade Social.

2.- A acreditación do cumprimento de ditas obrigas poderá realizarse mediante declaración responsable expedida polo órgano competente, mediante a presentación dos correspondentes certificados ou ben autorizando a Deputación a que obteña telematicamente os correspondentes certificados.

3.- A acreditación do cumprimento das obrigas tributarias coa Deputación provincial determinarase esta de oficio.

IX.- Destino e manexo dos fondos recibidos.

1.- O Concello de Betanzos destinará os fondos recibidos ao pagamento dos xustificantes de gasto presentados.

2.- Co fin de garantir un adecuado control da aplicación dos fondos, o pagamento deberá quedar acreditado documentalmente mediante a utilización de transferencia bancaria, tarxeta de débito ou crédito, cheque nominativo ou calquera outro medio que deixe constancia da data de pago e da identidade do receptor.

X.- Control financeiro da deputación e dos órganos de control externo.

1.- Consonte ao disposto nos artigos 44 e seguintes da Lei 38/2003, do 17 de novembro, xeral de subvencións, e nos artigos 41 e seguintes da Lei 9/2007, do 13 de xuño, de subvencións de Galicia, o Concello de Betanzos poderá ser escollido pola Intervención provincial para a realización dun control financeiro sobre a subvención pagada, co fin de acreditar a efectiva aplicación dos fondos á finalidade para a que foron concedidos, o correcto financiamento da actividade e o cumprimento de todas as demais obrigas formais e materiais que lle impón o presente convenio de colaboración.

2.- Asemade, de acordo co disposto na Lei 6/1985, do 24 de xuño, do Consello de Contas de Galicia, o Concello de Betanzos queda sometido aos procedementos de fiscalización que leven a cabo o Consello de Contas de Galicia ou, no seu caso, segundo o disposto na Lei orgánica 2/1982, do 12 de maio, aos procedementos de axuízamento contable que poida incoar o Tribunal de Contas, e a calquera outro órgano de control, nacional ou europeo.

XI.- Reintegro, infraccións e sancións.

1.- O incumprimento dalgunha das cláusulas previstas no presente convenio de colaboración poderá dar lugar á obriga de reintegro parcial ou total dos fondos recibidos, así como ao pago dos xuros de mora que se devenguen desde o día no que se realizou o pago ata o momento no que se acorde a procedencia do reintegro. O procedemento de reintegro iniciarase de oficio, na súa tramitación seguirase o disposto nos artigos 41 e seguintes da Lei 38/2003, do 17 de novembro, xeral de subvencións e nos artigos 91 e seguintes do seu regulamento (R.D. 887/2006, do 21 de xullo), dándolle en todo caso audiencia ao interesado.

2.- Sen prexuízo do anterior, o dito incumprimento tamén poderá ser constitutivo dalgunha das infraccións tipificadas na Lei 38/2003, do 17 de novembro, ou na Lei 9/2007, do 13 de xuño, de subvencións de Galicia, séndolle de aplicación o cadro de sancións previstas nas normas citadas e na base 55ª das de execución do Orzamento da Deputación.

3.- De conformidade co disposto na Base 55ª 6ª das de Execución do Orzamento da Deputación, o atraso na realización das obras dará lugar a unha sanción dun 10 % do importe da subvención co límite de 75 € se o atraso non excede de tres meses; se o atraso na realización das obras actividade excede de tres meses, a sanción será dun 20 % da subvención outorgada co límite de 150 €.

4.- E se o atraso se produce no prazo de xustificación e non excede dun mes, a sanción prevista na lei imporase no grao mínimo e será do 10 % do importe da subvención outorgada co límite de 75 €; se excede dun mes e non chega a tres, a sanción imporase no seu grao medio e será do 20 % do importe da subvención outorgada co límite de 400 €; e se a extemporaneidade da xustificación excede de tres meses, a sanción imporase no seu grao máximo e superará o 30 % do importe da subvención, sen que poida superar o importe de 900 €.